

KYRKJEGLOTTEN

NR. 2 — 2021 · 44. ÅRGANG · KYRKJELYDSBLAD FOR MO OG OSTERFJORDEN



s.6-7: HOLY RIDERS MC NORDHORDLAND

Restart av fast gjevarteneste

Soknerådet held fram med å førebu ei ny satsing på fast gjevarteneste i Osterfjorden sokn. Vi håpar å kome i gang til hausten. Vi vil ha særleg fokus på arbeidet med å betre tilbodet til barn og barnefamiliar i gudstenestene. Soknerådet er svært takksam for arbeidet Sprell levande har ein kvardag annakvar veke, og vil supplere dette med eit tilbod også i gudstenestene.

Så er det sjølvstøtt også andre måtar du kan støtte kyrkjelydsarbeidet. Einskildgaver og sponing er eigna når vi har ulike tidsavgrensa prosjekt, som parkeringsplass, utsmykking og ny messehaket.

Kontonummer 3632 58 99098

Vipps 537808

Hugs å merka kva gåva skal brukast til!



Frå farne tider

Stykket nedanfor stod på trykk i Kyrkjelydsblad for Hosanger prestegjeld nr 8 i oktober 1948.

Noko å tenkja på

Den danske religionsfilosofen Kierkegaard (1813-1855) fortel noko som er like aktuelt i dag som den gongen han levde:

«Det hendte en gang i et lystspillteater at der utbrøt brann. Direktøren lot teppet gå ned, gikk fram og bukket for publikum og sa: Mine damer og herrer! Teatret brenner! Bifallet lød fra alle kanter av salen.

Man fant at det var et av de morsomste innfall som var lagt inn i komedien.

Direktøren slo på gongongen og sa: Mine damer og herrer! Dette er alvor! Deres liv er i fare! Da steg jubelen over alle grenser.»

--- Slik tenker jeg mig at verden vil forgå under livlig bifall fra et velkledd parkett som tror at det hele er en god spøk.»

Aktuelt også i dag?



Nurane ved HRC-senteret i arbeid med eitt av borna.



Hjelp ut av fattigdom.

Kyrkjelyden sitt misjonsprosjekt

Tekst: Normisjon

Foto: Normisjon / Sunniva Vikan og Zemfira Mahmudova

– Det har utvilsomt vore eit år utanom det vanlege, fortel Neal Williams, som er direktør for Normisjon sitt arbeid i Aserbajdsjan.

– Foruten den verdensvide nedsteninga på grunn av pandemien, har Normisjon sitt arbeid i Aserbajdsjan også blitt påverka av oppblussinga av konflikten med nabolandet Armenia, og utsendingar som har reist heim att, sier Williams.

No pågår det ein prosess for å få samla prosjekta i Aserbajdsjan under ein paraply. På barneheimen i Merdekan har restriksjonane ført til at Normisjons-teamet ikke har fått besøka borna som bur der, men det er godt nytt at to i staben vår har blitt tilsette på barneheimen. Dette vil bidra til å styrkja samarbeidet med den statseigde barneheimen, der vi særleg har ei viktig rolle i å møta born som lever med ulike funksjonsnedsetjingar.

På HRC-senteret i lokala våre i Baku (Heyat Resource Center) bidrar teamet vårt med taleterapi og fysisk trening med born som lever med funksjonsnedsetjingar. Her har teamet fått møta borna ein-til-ein i periodane med noko lettare tiltak. Denne treninga og kontakten med staben vår er svært viktig både for familieane som sender borna sine dit, og for borna. Staben vår har også fokusert på å vera til stades for familiar i lokalmiljøet sitt.

– Sjølv om prosjekta våre har blitt påverka av mange ting dette året, er eg stolt av teamet vårt som held fram med å tenkja nytt, og som framleis gjer Jesus kjent og hjelper der dei kan rundt seg. Sjølv om planane endrar seg, er målet

vårt det same, seier Williams.

Suvenirbutikken Folk Art møtte fleire utfordringar sidan det var planlagt opning i ny butikk då koronarestriksjonane kom. Butikken har likevel kunna bidra i lokalmiljøet sitt, særleg ved å hjelpe lokale kunstnarar og handverkarar som fekk nye økonomiske utfordringar. Her jobbar dei no med å finna bærekraftige løysingar for 2021, og i mellomtida er prosjektet fryst.

Normisjon har i fleire år vore med og støtta udi-folket, som er ei urbefolkningsgruppe i Aserbajdsjan. God rådgeving er det viktigaste fokuset for teamet inn mot denne gruppa. Det er gledeleg å fortelja at endå ei bok frå Bibelen er trykt!

Mikrokreditselskapet Viator, som i en årrekke har gitt lån til lokale bønder og andre verksemder, sletta i etterkant av krigen i 2020 gjelda til familiar som mista sine nære i krigen. Dette betydde mykje for mange. Gjestehuset i Sheki er påverka av lite turisme, men har likevel halde fram med ulike former for rådgeving og engelskopplæring.

Takk for at de er med og støttar arbeidet vårt i Aserbajdsjan!

Osterfjorden sokn gav kr 20 950,- i 2019 og kr 12 500,- i 2020 til misjonsprosjektet vårt i Aserbajdsjan. Dei treng framleis vår støtte, i bøn og økonomisk. Du kan gje med Vipps nr 537808 og til kontonummer 3632 58 99098. Merk overføringa **Aserbajdsjan** eller **Misjonsprosjektet**.

Vakre kyrkjegardar i Modalen

Tekst: Lars Bjarte Nesheim

Foto: Kristin Meiling og Lars Bjarte Nesheim

Våren er her, og kyrkjegardsarbeidarane i Modalen er på veg ut for å plante, vedlikehalde og ordne. I Modalen har me to gravplassar, ein på Mo og ein på Farestveit. Ca tretti kundar betalar for stell av ca femti graver, dette kostar kr 585,- pr år, i tillegg kjem kostnaden for plantane. Plantetenesta har vore organisert gjennom soknerådet sidan 1985, og jamt over har kundane vore nøgde med tenesta. Astrids gartneri leverer blomar, og vår eigen kyrkjegardsgartner Kristin Meiling plantar og vatnar.

Kristin Meiling bur på Mo, og bruker dei grønne fingrane sine til nøye og skikkeleg planting. Ho utfører vårplanting, sumarplanting og haustplanting i tillegg til jordforbetring, sneglekontroll og rydding i våronna. Stemorsblomst og påskeliljer kjem fyrst, deretter eksempelvis begonia og små kantplanter, og på slutten av året vert lyng og liknande sett ned. I det heile er det eit godt samarbeid med Astrids gartneri, ut frå kva som er tilgjengeleg av planter til ei kvar tid.

Kyrkjegardsarbeidar Jan Ove Holme Tysse jobbar med kantslått og anna arbeid på kyrkjegardane som ikkje er relatert til plantinga.



Den eminente gjengen på teknisk etat i Modalen utfører plenslått med bravur. Magnar Johannes Eide har ei stø hand på grasklypparen.

Når folk kjem til Modalen tar dei gjerne ein tur til fjells, hyggjer seg på kaia, går innom butikken, får seg middag på Mobryggja, eit bad i Bryggjeslottet eller får sightseeing frå Aktiv i Modalen. Kyrkjegardsarbeidarane våre observerer stadig vekk besøkjande på gravplassen og lanserer difor Mo gravplass som ein av dei mest besøkte stadane i Modalen! Mo sokneråd ynskjer difor at gravplassane skal vere velstelte og ein flott stad å opphalde seg, og er takksame for den flotte jobben som vert gjort for å realisere dette!



Radarparet Astrid Farestveit og Kristin Meiling.



FAKTA

Namn: Laila Tvedt
Alder: 59 år
Bustad: Tveiten i Alversund
Yrke: Arbeider med økonomi og administrasjon

Frå kyrkjebenken

Tekst og foto: Geir Øy

Laila Tvedt har i lang tid kjent seg mest knytta til Alversund kyrkje. Etter at det kom kyrkje i Knarvik, har ho også vore aktiv der.

– *Kor lenge har du vore aktiv i kyrkjelyden?*

Eg blei skikkeleg aktiv først då eg blei med i soknerådet for snart seks år sidan. Før det var eg ikkje ein aktiv kyrkjegjengar. Då gjekk eg helst i kyrkja ved dei store anledningane.

– *Kva set du mest pris på ved kyrkjelyden?*

Eg set mest pris på dei flotte folka eg møter i kyrkja. Eg opplever at folk er så positive. Eg merkar at både tilsette og frivillige er engasjerte i det som skjer i kyrkja og bidrar på flotte måtar.

Av det som skjer i kyrkja, likar eg gudstenestene best. Det er ikkje det same å høyra ei gudsteneste på radio eller sjå på pc. Eg likar godt å delta på songane og i liturgien elles.

Eg var heldig som fekk vera med frå kyrkja var ny, og fekk oppleva den fine utviklinga som skjedde då.

– *Korleis vil du skildra kyrkja?*

I Alversund har me ei fantastisk flott kyrkje. Det er vår lokale kyrkje, som heile bygda set pris på. Anten ein går der sjeldan eller ofte, er kyrkja er eit viktig bygg og ein sentral institusjon for Alversund-bygda.

Etter at det kom kyrkje i Knarvik, ser eg at det er mykje meir ein kan gjera og få til der. Arbeidsforholda blei betre. Dette har gitt rom for det store engasjementet der mange vil bidra. Det siste året med korona har engasjementet til dei tilsette vist igjen i ulike digitale tilbod. I sum vil eg seia at dei to kyrkjene våre er prega av stort og positivt engasjement.

– *Kva salme syng du gjerne for tida?*

«Det være ære» er nok den salmen eg likar best. Den er flott. Mange av dei gamle salmane er fine. Skal eg trekke fram ein, er det «Kjærlyhet frå Gud», ein salme som kan brukast til det meste.

– *Kva kjenneteiknar ein god kyrkjekaffi?*

Det er praten og det å treffa folk. Praten er viktigare enn maten. Kjeks går heilt fint, sjølv om eg er glad i kaker. Eg er ofte med å servera kyrkjekaffien, men eg er glad med ein god prat med andre likevel.

KNARVIK  **SENTER**

Møteplassen for handel og kultur

**Knarvik
Blomsterstove**



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no



Det nedlagde bedehuset i Sandvikadalen på Hjelmås har fått nytt liv som klubblokale for MC-klubben Holy Riders.

MC-misjonærane

Tekst: Arthur Kleiveland

Foto: Tore Knudsen og Henning Gjelsvik

Dei er på to hjul for Jesus - med sitt gjenkjennelege korsmerke på ryggen. Den kristne MC-klubben Holy Riders si lokalavdeling i Nordhordland har rundt 50 medlemmer, fordelt på ordinære medlemmer, støttemedlemmer og ungdom.

– I klubben vår finn du alt frå pastor til den vanlege benkeslitar frå ulike kyrkjelydar og forsamlingar, seier Henning Gjelsvik, som er leiar i Holy Riders MC Nordhordland.

MC-klubben er ein tverrkyrkjeleg organisasjon, er alkoholfri og er open for alle – om du kjører sykkel eller ikkje. Etter eit liv i leigde klubblokale, kjøpte Holy Riders i 2001 eit nedlagt bedehus i Sandvikadalen på Hjelmås.

– Dette har blitt eit av dei tøffaste og mest besøkte klubblokala på Vestlandet, seier Henning, som fortel at mellom 70 og 100 gjestar kjem køyrande til klubben sine heilt vanlege tirsdagskafear. Klubben har hatt 270 motorsyklar på ein kveld, og i eit normalt år utan korona blir det rundt 50 kafé-kveldar.

– Ofte har vi ikkje plass til alle gjestene inne i lokalet vårt, og då blir andakt og anna formidling gjort i innersvingen utanfor.

Mange klubbar valfartar hit

Hit valfartar MC-folk frå ulike klubbar, der folk kan kosa seg med kaffi og godsaker.



Brørne John Olav (t.v.) og Arvid Aasgard viser fram Holy Riders sitt ryggmerke.



Mange MC-folk frå ulike klubbar valfartar til Holy Riders sine samlingar på Hjelmås.

– Vi er blitt kjende for ekstremt gode og sunne vaflar, seier HR-leiaren med eit smil. Klubben byr på gratis kaffi og HR-bibel (NT for MC-folk). MC-kafeen er open så lenge det ikkje er «kvite» vegar – eller korona-tiltak. Vinterstid held vi oss inne og dei fleste kjem då i bil. Men enkelte meiner ein MC-klubb er for dei på to hjul og køyrer MC.

«På veien for Jesus» - det er Holy Riders sitt motto. Dei medlemmene som har HR sitt ryggmerke på jakka har inngått ein avtale om at dei skal bera den kristne bodskapen ut til andre i MC-miljøet.

- Mange som ikkje kallar seg kristne kjem på tirsdayskaféen, og då blir det gjerne god tid til ein god prat – også om åndelege ting. Det er det mange som er opne for, og ein slik nær samtale er gyllen augneblink, seier Henning.

Han synest mange har fått eit feil inntrykk av MC-miljøet.
- Her er det eit utruleg godt felleskap, og folk tar vare på kvarandre sjølv om dei ikkje kjem frå same klubben.

Mykje som skjer

Det er stor aktivitet i den kristne MC-klubben i Nordhordland. I tillegg til den faste tirsdayskaféen, har dei også konsertar, basarar, opne og lukka medlemsmøte. Og klubben køyrer sjølvsagt turar. Det kan vera korte kveldsturar, lengre dags- og helgeturar, og besøk til andre MC-klubbar.

- Ofte blir turane avslutta på Torget i Bergen, der vi møter mange vener i MC-miljøet. Vi har og fellesturar til ei Gokart-bane, både unge og gamle MC-køyrarar likar litt fart og spenning av og til, seier Henning.

Ungdommen er med

Lokalavdelinga i Holy Riders har dei siste åra satsa meir på ungdommen, og har oppretta ei eiga avdeling for dei frå 15 til 18 år. Klubben har kjøpt inn head-sett som dei lånar ut til dei som ønskjer lærekjøring. Denne ungdomsgjengen møtest også i klubbhuset til uformelle samlingar, gjerne med biljard og pizza.

Pilegrimstreffet er det årlege treffet for medlemmar i Holy Riders på landsbasis. Her samlast mellom 300 og 400 motorsyklistar siste helga i juni. HR Nordhordland, som er ein av dei største HR-klubbane, stilte i fjor med 45 personar i Fyresdal i Telemark.

Får ryggmerke

Han fortel at Pilegrimstreffet har samlingar for alle generasjonar, konkurransar, felleskjøring og mykje sosialt samver. Her blir det også delt ut ryggmerke til nye «MC-misjonærar».

- Treffet vert avslutta med nattverd. Det å stille seg i kø framfor nattverdsbordet og høyra på lovsongen frå våre MC-vener gir god grunn til ettertanke om kva vi er med på, seier HR-leiaren i Nordhordland.

HR-leiar Henning kjem med følgjande invitasjon:

- Er du ein av dei som køyrer MC og ikkje har besøkt oss enno, så stikk innom ein tirsdag kveld. Vi byr på gratis vaffel ved første besøk og ikkje minst eit godt MC-miljø for unge og gamle. For dei som ønskjer meir informasjon - kjør inn på: holyriders.no eller på fb-sida vår.



Holy Riders er veldig fornøgd med klubblokalet sitt i det tidlegare bedehuset, som neste år har 100-årsjubileum.



- Mange kjem på tirsdayskaféen, og då blir det gjerne tid til ein god prat – også om åndelege ting, seier Henning Gjelsvik, leiar i den kristne MC-klubben Holy Riders. Han er glad for den positive måte klubben har blitt tatt i mot av naboane.



MELAND ELEKTRO

AUTORISERT ELEKTROENTREPRENØR

Mjåtveitflaten 45 • 5918 FREKHAUG
Tlf 56 17 87 00 • post@melandelektro.no
www.melandelektro.no



Diakonane Ruben Sæle og Gudveig Kartveit Sundsbø leier sorggruppa.

Sorggruppe i Alver

Eg var usikker på kor mykje eg kom til å fortelje om eiga sorg, men eg visste eg trengte ein stad å få støtte og hjelp til å leve med sorga. Her i gruppa er det lett å dele, det er ingenting som er feil å seie.» Deltakar i sorggruppa.

Kyrkja i Alver starta denne vinteren eit nytt tilbod. Menneske som har mista ein eller fleire kjære i død kan vere med i ei samtale- og delegruppe. Målet med sorggruppa er at ein saman med dei andre i gruppa kan finne styrke til å leve vidare med sorga. Det skal vere eit rom der ein kan setje ord på

kjensler, tankar og opplevingar kring sorg og tap.

«Eg var først skeptisk til at dette kunne vere noko for meg. Men eg kjente raskt at her var det godt å vere. Me er alle ulike, men me kjenner oss igjen i kvarandre si historie.» Deltakar i sorggruppa.

Den første sorggruppa har hatt samlingar rundt annakvar veke i Alversund kyrkjelydshus. Samlingane er styrt av tema som deltakarane sjølv vel.

Sorggruppa er eit samarbeid mellom kreftkoordinator i Alver og kyrkja i Alver.



Oppstart av ny sorggruppe i starten av september

- 8-10 samlingar
- 4-8 deltakarar
- 2 leiarar

For meir info/ påmelding kontakt diakonane

Ruben Sæle, 41 38 31 95

Gudveig Kartveit Sundsbø, 93 84 05 87

Kystpilegrim

Gode krefter i kulturliv og kyrkje har blåse liv i pilegrimsleia langs kysten nordover til Nidaros. Det blir lagt opp til nøkkelstader langs kysten, og i vårt distrikt er Lygra og Lyngheisenteret eit slikt punkt.

Dei som brukar båt, vil lett kunne besøke fleire nøkkelstader.

Mange arrangement blir knytt til kystpilegrimsleia. På Fedje arbeider dei med planar om eit årleg stemne i august. Dette året gjekk

det ut på grunn av pandemien.

Ein finn informasjon om ulike arrangement ved å gå til nettsida: Kystkultur.no. Ei av fanene heiter Kystkulturaktørar. Deretter kjem Kystpilegrimsleia opp som fane.



TRENG DU NOKON Å SNAKKE MED?

Nokre som ringer tenkjer på å ta sitt eige liv, andre er usikre, einsame eller redde. Nokre treng berre å slå av ein prat.

Ring eller skriv: Vi er her. Alltid. [kirkens-sos.no](https://www.kirkens-sos.no)

SOS
22 40 00 40

SOS
CHAT

SOS
MELDING

KIRKENS
SOS

Ikke alle barn gleder seg til ferien



SMS BK FERIER til 13130 (200 kr)
VIPPS en gave til 13130 eller
gi på konto 3201 52 74165



Hans Nielsen Hauge i møte med strilane

Tekst: Svein E. Kvamsdal

Det er i år 250 år sidan Hans Nielsen Hauge vart fødd. Hauge er den enkeltpersonen som har hatt størst innverknad på norsk kyrkje- og kristenliv etter reformasjonen. Han møtte også strilar på sine lange vandringar i landet. Bjørgvin biskop, i motsetning til mykje av presteskapet, forsvarte Hauge.

Han kom til Bergen sumaren 1798. Her fekk han handelsbrev i 1801, og dreiv verksemd herifrå, til han forlét byen for siste gong truleg i mars 1804.

Det er velkjent at han var ute på lange vandringar, m.a. fleire turar til Trondheim. Han gjekk fort. Nærast småsprang, medan han strikka. Og prata med folk undervegs. Attåt det samla han bygdefolket til møte i huset der han overnatta. Likevel nådde han fram til Trondheim på tretti dagar.


Det er ikkje fortalt særleg mykje om kor vidt han gjesta bygdene i Nordhordland. Det interessante for oss kan vera heimturen frå Trondheim 1802. Han gjekk til fots på den gamle postvegen mot Bergen. Etter minnet mitt gjekk postvegen til sjøs frå Eivindvik til Fanebust. Truleg har Hauge stige i land der, og vandra vidare mot Bergen. Også det er eit godt stykke til fots, så han må ha teke inn hjå ein og annan undervegs. Han hadde ei fabelaktig god evne til å koma i prat med folk, og halda praten gåande.

I 1816 skreiv H.N. Hauge eit skrift – «Reiser, viktigste Hendelser og tildragelser». I dette skriftet fortel han m.a. om folkelynnet i dei ulike bygdelaga han gjesta, og om

klesdraktene deira. På denne tida var det vanleg å gå kledd i drakter med kvar sine særkjenne i ulike område av landet. Om Trondhjems stift skriv han m.a. «... jeg syntes også, at der omkring på Landet var paa den Tid en passende Klædedragt, thi ikke var den som de grove Strileklæder.» I merknadene bak står det: «.. de grove Strileklæder» - Befolkningen omkring Bergen, særlig på øyene, de såkalte striler, brukte i begynnelsen av 19. århundre for det meste en mørk dragt, med støvler, vide bukser og kofte, undertiden sko og strømper». Han møtte mykje fattigdom, og seier at «hos Strile-folket på Bergens-kanten var det nærmest slumtilværelse uten oppdrift».

Omtalen av «de grove Strileklæder» viser tydeleg at han har møtt på folk frå Strilelandet. Men veneflokkar av det «haugianske» slaget har eg ikkje funne omtala her.

Det næraste me kjem er Voss. I mars 1801 var Hauge på vandring gjennom Valdres og vidare til Voss. Der braut det ut vekking. Eit venesamfunn voks fram og fekk ein sterk posisjon. Dei tre prestane på Voss var av den rasjonalistiske typen. Dei gjekk offentleg til åtak på dei vakte. Presten Peter Hount sende endåtil inn klage til Stiftsdireksjonen om det nedbrytande undermineringsarbeidet som dei religiøse fanatikarane dreiv i soknet. Då kom biskop J.N. Brun på banen. Han tok desse prestane kraftig i skule, og samlingane fekk halda fram utan innblanding frå nokon prest. Hauge tenkte at det truleg var «den veltenkende mann» på Bergen bispestol som hadde vore ute med eit



Det einaste kjente portrettet av Hans Nielsen Hauge, malt i København av ukjent kunstnar ca. 1800. Henta frå Wikimedia Commons.

myndig ord om å la dei vakte få vera i fred.

Han var den einaste av dei fire biskopane som avgjort heldt si hand over Hauge. Det viste seg då biskopane i 1804 skulle senda inn kvar si fråsegn om Hans Nielsen Hauge og tilhengjarane hans til kanselliet. Der skriv han: «Jeg kan ikke se, at der finnes nogen grunn til å laste disse kristne mennesker. De merker seg ut ved ikke å banne, ikke å lyve, ikke å svire.. Hva grunn skulde jeg have til å laste disse kristne dyder? Her lever de sitt stille liv. De nyter nattverden som andre. De går flittig i kirke. Ja, det er nu rent forunderlig: Vil en mann kalle inn til aftensang av et annet slag i sitt hjem med dans og drikk, så kan han uten videre be sine venner komme. Hverken prest eller lensmann hindrer ham. Men om den samme mann ber de samme gjester komme i sitt hjem til bønn og bibellesning, da er de der – begge autoriteter...»

**HELLAND
ELEKTRO AS**

HOVEDKONTOR: LINDÅS
TLF: 56 34 24 30
www.helland-elektro.no

AVD. KONTOR: OSTEREIDET
TLF: 56 34 24 45

HELÅS AS

- Gravminner og benkeplater
- Salg av nye steiner
- Vedlikehold
- Reprasjoner (nytt gull eller lakk)
- Navnetilføyelse

• Arbeid på kirkegårder (rette opp og sikre steiner)

Bare ta kontakt dersom du har spørsmål.
Tlf 93 03 75 94 / 56 37 35 45

GÅRDBRUKERSERVICE

LANDBRUK & MARINA

Etablert 1981

Ropet og håpet

Tekst og foto: Solveig Westermoen

Å gje ut musikk i pandemitid er ikkje berre enkelt, men Stine Karin Sæle frå Knarvik vil gjerne formidle håp.

Redaksjonen møter Stine Karin Sæle heime i Knarvik, i rekkjehuset ho deler med mannen sin, Torbjørn Sæle. Nokre av Kontakt sine lesarar kjenner kanskje Stine Karin att frå den digitale konserten ho heldt i Knarvik kyrkje påska 2020. Denne og andre sjølvskrivne songar er no blitt publiserte på EP gjennom produksjonsselskapet Gilead i Oslo.

Stine Karin er oppvaksen på Holsnøy. Ho har alltid vore interessert i song og musikk, og lærte seg å spele gitar i 10.klasse. Ho opplevde i ungdomstida at ho mista frimodet til å syngje. Det fann ho ikkje att før i vaksen alder. Musikken hadde ho likevel med seg, og ho byrja å skrive tekstar og eigne songar. Å dele dei med andre var vanskelegare, men no har ho tatt steget.

Tekstane til Stine Karin er prega av trua hennar. Ho likar historiene i Bibelen, og prøver med songane sine å vise at dei er relevante for oss i dag. Ho vert og inspirert av menneske ho har møtt og historier ho har høyrte.

Tre av songane er på norsk. Den fjerde, "Psalm 13" er på engelsk. Der har Stine Karin tatt den engelske teksten direkte frå Bibelen og laga melodi til denne.

Tittelen på EPen vart til i dialog mellom Stine Karin og mannen, Torbjørn. Med utgangspunkt i klagesalmen Salme 13 tenkte Torbjørn at "Rop" var ein naturleg tittel. Stine Karin ville og at kontrastene og dualiteten i songane skulle speglast i tittelen, og dei kom fram til at eit rop utan håp ville vere håpløst. Våre rop og bønner til Gud er baserte på håpet og trua på at Han vil oss vel. Denne trøysta ynskjer Stine Karin å formidle i songane sine.


Prosessene frå gitarspeling i stua heime til ferdig EP på strømmetjenester som t.d. Spotify har ikkje vore heilt enkel i denne tida. Stine Karin måtte reise til Oslo for å spele inn vokalstemma, koringa gjorde ho heime på kontoret, musikarane fekk ho i liten grad treffe, og tallause filer og versjonar har blitt sende gjennom eteren mellom ho og produsenten.

Sjølv sagt skulle ho ynskje at lanseringa av EPen skulle vore følgt av konsertar med publikum. Som alle andre har ho eit håp om at sommar og vaksinerings vil opne for fleire samlingar. Kanskje kjem ho og har ein hagekonsert nær deg?

Enn så lenge, hald ut!



Stine Karin Sæle.



"Ropet og Håpet", Coverart: Gunhild Sannes Larsen.

Hald ut, hald ut! Det tørre land skal vætast.
Noko nytt får springa ut.
Ei kjelde som gjev liv, ei elv av nytt giv.
Så hald ut, hald ut.

Frå songen "Hald ut" av Stine Karin Sæle.

Pinse – meir enn ein ekstra fridag?

Tekst: Magne Bjørndal

Foto: Gunvor Taule Mjanger

Anten dei har mykje eller lite kontakt med kristne miljø, så veit dei fleste nokolunde kva som er bakgrunnen for at vi feirer jul. Kunnskapen om påska er det kanskje litt verre med, men der òg er det ein god del som iallfall har ei viss peiling. Pinsa derimot, den er det mange som ikkje har noko anna forhold til enn at den fører til ein ekstra fridag.

Pinsa vert gjerne rekna som kyrkja sin fødselsdag. Det er fordi den markerer at det som hende i jula og påska er for alle, ikkje berre for dei som opplevde hendingane den gongen på nært hald. Jesus var – som oss – eit menneske på ein bestemt stad til ei bestemt tid. I og med pinsa kan han vera over alt, heile tida. Jesus var ikkje berre i Palestina ein periode rundt år null, han er her, no, alle stader der bibelordet vert lese og forklart, bønner vert bedne, nattverd måltidet vert delt og menneske tek del i det kristne fellesskapet, (jfr Apg 2,42). Det er alt dette som eigentleg er kyrkja. Den kan framstå som kyrkjebygg, eller som diskusjonar om homofili og andre ting som folk er ueinige om, eller som ein vrimmel av forsamlingar og kyrkjelydar. Den er saktens det òg, men først og fremst er den ei verdsvid samanslutning av alle som høyrer Jesus til.

Paulus skriv: «Liksom kroppen er éin, endå han har mange lemer, er alle lemene éin kropp, endå dei er mange. Slik er det med Kristus òg. For med éin Ande vart vi alle døypte til å vera éin kropp, anten vi er jødar eller grekarar, slavar eller frie, og alle fekk vi éin Ande å drikka.»

(1 Kor 12,12-13) Mange kroppsdelar med ulike former og funksjonar, men likevel éin kropp – slik er kyrkja.



Fondveggen i Osteridet kyrkje.

«Men Talsmannen, Den heilage ande, som Far skal senda i mitt namn, han skal læra dykk alt og minna dykk på alt det eg har sagt dykk.» (Joh. 14,26)

«Anden, vår trøyst, levande, varm og heilag og sterk, talar om Gud, leier oss fram dag etter dag. Herren vår Gud vil vi takka.» Nr 240, 3 i Norsk salmebok.

Dette kan du tenkja på, ikkje berre i pinshelga, men elles og. Og kanskje – viss smittesituasjonen gjer det forsvarleg – kan du oppsøkje ei gudsteneste, og vera med på feiringa av den mangfaldige kristne einskapen.

Bygg Team
VEST AS



Alt innan tømrarfaget!

Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjæresteinene der du trenger det.

Båten har alle sertifiseringer i verden, den er også godkjent som sløppebåt.

MS Glimt er har et dekkareal på 22 m², og en kapasitet på 3 tonn. I tillegg er det en kran med 8 meter rekkevidde. Det er også en løperampe som kan legges ned for å frakte felle, mini-graver, ATV, motorisert trillebår, etc. stilles også lignende. Båten stikker 1 m djupt.

Vi kan levere totalpakker med båttrensport, stillas, maskinutleie, lønner og malere, alt du måtte ha behov for. Vi har personell og utstyr til å bygge/retablere kaier, mussi, lytter og hus.

Ta kontakt på tlf. 4013 6666

Bøvågen Service AS
Botnervegen 16, 5934 Bøvågen
Tlf. 4013 6666



RISNES



ELEKTRO AS

Elinstallatør · tlf. 56349620



OPPSKRIFT

Smuldrepai og råsaft av rabarbra

Marta Grønstad Hvidsten bur på Kviste på vestsida av Radøy. Saman med mannen sin, Roald, driv ho eit Inn-på-tunet-gardsbruk med villsau og lama, og dei dyrkar ulike urter, frukt og grønsaker. Dei er fosterforeldre, er begge utdanna lærarar, og er levande opptekne av å hausta frå naturen rundt seg både på sjø og land. Dei har vore aktive i kyrkjelydsarbeid m.a. med barnekor og i sokneråd, og Marta har jobba mange år som kyrkjetenar.

Rabarbra er det mange av oss som har i hagen sin, og det er ein av dei fyrste vekstene ein kan hauste om våren. Ein kan ete rabarbra gjennom heile sommaren, om ein kuttar stilkane tidleg. Slik unngår ein å få gamle og trevlete stilkar med høgt innhald av oksalsyre.

Frå min barndom var det rabarbradessert og suppe som var mest vanleg å lage av rabarbra, og det gav alltid ein smak av sommar. Når eg no som vaksen haustar rabarbra er det som oftast for å lage råsaft eller rabarbrapai. Og her fylgjer oppskriftene på desse:



Råsaft av rabarbra

6 liter oppkutta rabarbra
4 liter vatn
ca. 20 gr. sitronsyre
600 gr. sukker

Bland saman rabarbra, vatn og sitronsyre i ei bøtte. La stå kaldt i tre døgn.
Sil av safta. Rør inn 600 gr. sukker.
Frys ned i kartongar eller flasker.

Smuldrepai med rabarbra og urter:

- 100 gr. margarin
- 1 dl. solsikkekjernar
- 1 dl. havregryn
- 1 dl. kveitemjøl
- 1 dl. sukker
- 6-8 dl. rabarbra
- 3-4 s.s. urter (sitronmelisse, eplemynte eller kvann passar godt til rabarbra)

Smelt margarinen, og bland i alt det tørre. Rør godt saman.

Smør ei ildfast form/paiform.

Kutt opp rabarbra og friske urter. Legg dette i botnen av forma.

Dryss smuldredeigen over. Ha event. litt perlesukker på toppen.

Steik ved 200 grader i ca. 20 min.

Server med is, vaniljesaus eller krem.



PH ÆIDER | **NORDHORDLAND BEGRAVELSESBYRÅ** | Ditt lokale gravferdsbyrå

ALLTID HER FOR
deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund | Havnevegen 31 Frekhaug | Elvavegen 1 Dalekvam

VATNE
begravelsesbyrå

DAHLS

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no



MIN SONG

Paul Eknes (53 år) bur på Stranda, han er gift med Anne Karin og dei har tre born, ei svigerdotter og eitt barnebarn. Han arbeider som avdelingsleiar i BKK Nett i Knarvik

Song og musikk har vore med meg i heile livet mitt, eg likar å syngje i lag med fleire, gjerne i kor eller mindre grupper. Eg er glad i å lytte til song og musikk, både på konsertar eller sitje roleg og lytte for meg sjølv.

Det er vanskeleg å berre skulle velje ein song, men ein song som har gjort noko med meg både gjennom teksten, men og det musikalske, er songen «Då himlen kom ned» av Sveinung Hølmebakk. Eg har vore på fleire konsertar med Sveinung som soloartist, men og då han var med i Nordic Tenors. Sveinung har mange flotte eigenproduserte tekstar og tonar, som gir meg mykje å lytte til. Han er også ein god formidlar av flotte salmar og songar av dei klassiske gode i vår kristenarv.

Flott er det og at songen «Då himlen kom ned» er på nynorsk.

Denne songen gjev meg ei visse om at Jesus har bruk for oss alle, sjølv om me sviktar og ikkje alltid er nøgde med oss sjølve og handlingane våre.

Les denne songen eller lytt til Sveinung Hølmebakk når han syng den, så håpar eg at du også vil bli berørt av den!

Då himlen kom ned

Fanga i sjølvbedrag, styrt av mitt fromhetsjag
Eg hadde kava i eiga makt, men sovna på mi siste vakt.
Kartet eg eingong fekk, det hadde eg kasta vekk.
Eg hadde svikta, eg hadde falt, og skamma gjennomsyra alt.

Ref: Då såg eg lyset bryta fram, eg såg ei naglemerka hand,
og eg såg himlen koma ned, då forstod eg at du elska meg
Då såg eg lyset bryta fram, eg såg ei naglemerka hand
og eg såg himlen koma ned, med nåde og med fred.

Kjensla av nederlag, blei mindre dag for dag
Og alle steinar av sjølførakt, blei sprengt av nådens store makt.

Ref: For eg såg lyset bryta fram, eg såg ei naglemerka hand,
og eg såg himlen koma ned, då forstod eg at du elska meg.
Då såg eg lyset bryta fram, eg såg ei naglemerka hand,
og eg såg himlen koma ned, med nåde og med fred.

REMA 1000

OSTEREIDET

Hjelmås
VVS a/s

Torvhusmyrane 2 – 5913 EIKANGERVÅG

Tlf. 56 35 40 50

E-post: hjvvs@hjelmaas.no



BYGGtorget

KALÅS BYGG AS

Tlf. 56 35 33 70 – www.kalasbygg.no



Dåp i Osterfjorden og Mo

Ikkje for seint å ha dåp!

Koronaen har ført til at mange har utsett både dåp og vigslar. Når dette blir skrive i slutten av april, har regjeringa kome med ein gjenopningsplan. Det er sannsynleg at det i løpet av sommaren blir forsvarleg å samle fleire til både gudstenester og ulike samlingar i heimar og på leigde stader. Men prognosen er vel at det ikkje er fullvaksinering før godt utpå hausten 2021. Difor legg vi opp til at det oftast blir dåp i eigne korte gudstenester i sommar og tidleg haust i Osterfjorden og Mo. Viss ein er ti eller mindre i dåpsfølgjet, kan vi ha ein dåp i ei vanleg gudsteneste i Ostereidet kyrkje. Der har vi god plass.

Dåp bør difor no i «korona-tida» meldast til kyrkjekontoret per telefon (sjå kontaktinfo i bladet og heimesida). Då er det enklare å finne ei tid, anten litt etter ei oppsett gudsteneste, eller ei anna tid som høver. Det kan vere mogleg med dåp dei fleste helgene. Og ønskjer nokon å gifte seg, så berre ta kontakt!

Når dåpskjolen er for liten...

Nokre er leie for at dåpskjolen har blitt for liten, eller tenkjer at barnet allereie har blitt «for stort» – til dømes – eitt år... For det første kan vi seie at det ikkje er så viktig med dåpskjolen. Fine klede er meir enn bra nok. Og: Vi døyper gjerne barn i alle aldrar, - og vaksne med, om dei ikkje er døypte frå før. Ta gjerne kontakt med presten om de vil snakke om det.

VAKSDAL BLOMSTER OG BEGRAVELSESBYRÅ AS

Vi ordnar alt vedrørende dødsfall. Kransar, oppsatsar og bærebukettar fritt levert til gravferda. Gravmonument.

Tlf. 56 59 74 70



Hindenes Hus AS - 5993 Ostereidet
Tlf.: 56 35 25 80 - andre.vabo@norgeshus.no

OSTEREIDET
Kro
smakfulle frustelser

Vaage Kattossetti as

Tlf. 56 35 63 50



www.dcreources.no

Sand – Grus – Singel - Pukk

Gravminne



- Ring for katalog
- Navnetilføring
- Gravstell
- Oppussing



Sauvågen 251 - 5913 Eikangervåg - tlf 56 35 77 30

Torill Foto

Hjelmås

Tlf.: 56 35 52 90

Slekters gang

Døypte:

Hjelmås kapell

07.03.21 Magnus Fyllingen Lilletveit

Vigsel:

Ostereidet kyrkje

12.02.21 Anne Begum Molvik og Helge Revheim

Døde:

Ostereidet

12.02.21 Turid Lillian Bjørge

10.04.21 Kolbjørn Eide

07.04.21 Borgny Veland

Hjelmås

16.02.21 Arne Henrik Nytnun

02.04.21 Josefine Valle

Romarheim

16.03.21 Anders Skår

Tankestrek

Av Sokneprest Torbjørn Aamli

«Se, jeg gjør noe nytt»....

Nå spirer det fram. Merker dere det ikke? (Jesaja 43,19)

Ordene er hentet fra leseteksten søndag 25.4. Det finnes noen som ser håp, der andre ser fortvilelse. Som ser spirer der andre ser snauhogd skog. Vil det spire fram noe godt etter Koronaen?

«Alt blir bra»

- drømmer barna om, mens de tegner en regnbue. Men alt blir ikke bra. I den store verden står problemene i kø. Ikke nok med at de havner bak rike land i vaksinekøen. Andre vaksinasjonsprogrammer har stoppet opp mange steder, og barn kan dø av meslinger og kikhoste. Og enda har jeg ikke nevnt kriger og naturkatastrofer...

Hva er dette nye?

Løftet var at Gud ikke hadde glemt sitt folk, som satt i babylonsk fangenskap. På nytt ville Gud føre dem ut til frihet. I vår tid minner løftet om at Gud heller ikke har glemt oss. Vi som lever på verdens solside har ikke nødvendigvis større lykke. Det varierer voldsomt. Men Gud inviterer oss til å være med i et fellesskap som forandringsagenter.

Vi tror

- på en Gud som vil nyskape jorda. Vi skal ikke tenke at jorda er et konkursbo vi skal forlate til fordel for et himmelrike der oppe. Nei, himmelriket vil komme til jorda. Og da gjør vi best i å øve oss allerede nå på å ta vare på den.

Bli med

Når korona-trusselen fader ut, håper jeg du vil være med i det store fellesskapet i kirkene våre. Hvis vi skal holde fokus, og gjøre jorda og samfunnet bedre, må vi begynne der vi bor. I kirkene møter vi livets Herre. Han løfter oss opp etter våre nederlag, og heier på oss. Han ber oss løfte sammen, og øve oss i å ha omsorg for hverandre.

Respons

Men hva kan vi gjøre for at samlingene kan bli mer livsnære? Hva kan vi gjøre for at barna og barnefamiliene kan trives? Hvordan kan ungdommene oppleve kirken som sitt andre hjem? Tenk sammen med oss, og kom med forslag. Og enda bedre er det om noen sier: Dette vil jeg være med på!

Til høsten er det bispevisitas, og biskopen vil spørre oss om våre planer og drømmer for framtida. Hva drømmer du om for kirken vår?

Tilsette Mo



Lars Bjarte Nesheim
Kyrkjeveerje
976 75 416



Antje Michelau-Meyn
Trusopplærar / 56 59 90 34
antje.michelau-meyn@modalen.kommune.no



Boris Kuprijanov
Organist
920 60 993 · bk365@kyrkja.no



Sonja B. Molvik
Sekretær
sm769@kyrkja.no



DEN NORSKE KYRKJA

Ostereidet kyrkjekontor

Ørnova 21, 5993 Ostereidet

Opningstid: måndag, tysdag og torsdag. kl 09.00 – 15.00.

Telefon: 4000 1691

kvar dag kl 10.00 – 14.00.

post.osterfjorden@kyrkja.no www.kyrkja.no/osterfjorden

Facebookside:

Kyrkja i Osterfjorden

Kontonummer: 3632 58 99098

Vipps: 537808

Hugs å merka kva betalinga gjeld.

Mo kyrkjekontor

5729 Modalen

Kontortid: måndag og onsdag kl. 8.00 – 15.30.

Telefon: 56 59 90 33 larsbjarte.

nesheim@modalen.kommune.no

Facebookside: Mo sokn

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjeveerje: John Fredrik Wallace
jw734@kyrkja.no

Leiar i fellesrådet: Grethe Lunde,
gr-lunde@online.no

Soknerådsleiarar:

Osterfjorden: Geir Ove Hopsdal
901 18 278

Mo: Henning Birkeland,
994 70 008

Kyrkjegløtten

Utgjevar: Sokneråda i Osterfjorden sokn og Mo sokn, i samarbeid med Meland sokn, Knarvik sokn og Radøy sokn.

Redaktør: Gunvor Taule Mjanger

Lokal redaksjon: Torbjørn Aamli, Ole Einar Eide Eidsheim, Anne Berit Eknes, Gunvor Taule Mjanger, Lars Bjarte Nesheim

Grafisk design: Simen Søvik

Trykk: Bodoni AS

Framsidedeilete: Holy Riders ved klubblokalet.



Helge Taranrød
Prost
ht759@kirken.no



John Fredrik Wallace
Kyrkjeveerje
jw734@kyrkja.no

Tilsette Ostereidet



Anne Sofie Nergård Uthaug
Dagleg leiar - 404 62 647
au887@kyrkja.no



Marit Færøy
kyrkjetenar



Torbjørn Aamli
Sokneprest
476 21 201 · ta576@kyrkja.no



Bjørn D. Nygård
Kateket
412 59 586 · bn458@kyrkja.no

Gudsteneste- kalender

6. juni

Mo kyrkje kl. 11.00
Magne Bjørndal

13. juni

Ostereidet kyrkje kl. 11.00
Torbjørn Aamli
«Dei første disiplane»

20. juni

Vike kyrkje kl. 11.00
Torbjørn Aamli
«Sats alt på det viktigaste!»

27. juli

Ostereidet kyrkje kl. 11.00
Torbjørn Aamli
«Bygg ikkje hus på sand!»

18. juli

Ostereidet kyrkje kl. 11.00
Torbjørn Aamli
«No har de overflod»

8. august

Ostereidet kyrkje kl. 11.00
Ole Marton Ølberg

15. august kl.

Vike kyrkje kl. 17.00
Magne Bjørndal

Laurdag 21. august

Ostereidet kyrkje kl. 10.30
og 12.30
Konfirmasjon for konfir-
mantar frå Hjelmås og
Leiknes
Torbjørn Aamli og Bjørn D.
Nygård

22. august

Mo kyrkje kl. 11.00
Torbjørn Aamli
«Kven er ein god forval-
tar?»

Laurdag 28. august

Ostereidet kyrkje kl. 10.00,
12.00 og 14.00
Konfirmasjon for konfir-
mantar frå Ostereidet
Torbjørn Aamli og Bjørn
Nygård

5. september

Ostereidet kyrkje kl. 11.00
Presentasjon av dei nye
konfirmantane
«Kva er viktigast?»

Laurdag 11. september

Mo kyrkje kl. 11.00 og 13.00

12. september

Hjelmås kapell kl. 11.00
Presentasjon av dei nye
konfirmantane
Torbjørn Aamli
«Lukke av eit anna slag»

19. september

Ostereidet kyrkje kl. 11.00
Magne Bjørndal m.fl.
Hausttakkefest og familie-
gudsteneste

26. september

Mo kyrkje kl. 11.00
Torbjørn Aamli



Mo kyrkje



Vike kyrkje



Ostereidet kyrkje



Hjelmås kapell

FASTE AKTIVITETAR I OSTERFJORDEN

Ostereidet kyrkje

Sprell levande

Søndagsskule 1.-4.klasse
Onsdagar kl.12.45-14.15
(Oddetalsveker)
Ingunn Skeie Buanes,
95823103

Ostereidet Soul Children
Onsdagar kl.17.30-18.30
Renate Waldow, 91550548

Fredagskafeen

Fredagar kl.20-23.00
Bjørn Ingvar Eidsheim,
971 45 120

Te Deum

Onsdagar kl.19.00-21.00
Solfrid Hindenes, 90117981

Osterklang

Torsdagar kl.17.00-19.00
Solveig Eide, 98647358

Pensjonistlaget

Torsdagar kl.16.30
Arnfinn Hellevang,
97601675

Siste torsdag i mnd.

Strikkekafeen

Tysdagar kl.19.00-21.00
(Partalsveker)

Sonja Molvik, 47855513

Bøn og lovsong

Mandagar kl.19.00-21.00
(Partalsveker)
Ivar Eidsheim, 91704246

Hjelmås kapell

Jungelgjengen

Tysdagar kl.17.30-19.00
Helga A.Eikrem, 41648493

Småbarnstrall

Onsdagar i partalsveker
Bjørn D. Nygård

Borgstova på Vikanes

Laurdagsgraut
Borghild Toft, 48057831

Bispevisitasen er flytta ei veke fram

Bispevisitasen er flytta ei veke fram i tid. Den blir då 27.-29.
og 31. oktober. Det kjem meir informasjon til hausten.